

Amy, 7j.



suechet es nöis Daheime mit Freigang

Liebi Tierfründe

Ig hoff, ig schtör grad nid, abr ig ha es Probläm. Ig lueg es bitzeli truurig, gäu? Schtimmt u das het e Grund! Ig bi d'Amy uf bruuche es nöis Daheime. Warum? Ig ha es Daheime, abr dort git's e Hung, der isch so gar nid Mis. Ig cha nid mit ihm, s'geit nid. Ig luege immr, dass ig ihm nid begegne, drum bin ig ou immr glii wiedr furt. U chomm denn wiedr tagelang nid hei. Wägem Hung, Du verschtahsch? Itze git's ou no so e Nachbare, die wo mi tuet füettere. Ig gah scho gärn zu ihre, abr sy wott mi nid ganz, nur füettere, we sy Ziit u Luscht het. Isch auso ou nid es ächts Daheime. U es ächts Daheime, wo ig mi woufühle tue u gärn heichomme tue, möglichscht wiiters weg vo hie, das suech ig itze. Drum!

Wie gseit, ig heisse Amy, bi 7jährig, kaschtriert, gimpft, chippet, gsung u schtuberein. Auso wenn ig mou dinne bi, meischtens bin ig haut dusse, furt, ungerwägs, wäg vom Hung. Ig bi ganz es liebs Büsi. Ich liebe Schmüsele (wenn ig wott) u schpiue, bsundrs Jagdschpiue, da geit's ab. U ig mag Mönsche, aui Mönsche, mini eigene u ou d'frömdi. Bi sähr nöigiirig u lah mi ou gärn ungerwägs schtriichele. Ig hätt gärn es Daheime bi liebi Lüüt, die wo nach mir luege u mi lieb habe. U bi dene ig ou is Bettli dörfti, das lieb ig. Abr ebe: ohni Hung, ja chei Hung, geit gar nid. E liebi Chatz dörfti da sy, ou grösseri Ching so ab 12i. Nur chei Hung, ig cha's nid oft gnueg säge. U Freigang durch's Törli düre, i verchehrsarmer Umgäbig, gärn ir Nächi vo Fäud odr Wiese, das bruuch ig. U we's denn ou no vernünfftigi Nachbare gäb, die wo mi schtriichele abr nid füettere, denn wär das pärfäkt. Denn chäm ig ou immr wiedr gärn hei.

Was meinsch? Wohnsch Du verchehrsberuhigt odr ou ländlech? Siit Dir e nätti Familie odr bisch Du e Chatzefründ, wo ig wiuchomme bi? Ohni Hung? Villiicht mit ere liebe Erschtchatz? Mues ja nid sy, wär abr öppis. U hesch Du vernünfftigi Nachbare? Die wo mi nid tüend aafüettere? Das wär's! Denn müesset mir üs unbedingt lehre chenne. Derziit wohn ig no z'Saas Fee/VS, ig züggle abr gärn zu Dir, wo au immr Du wohnsch. Ig chönnt ou bracht wärde, we Du cheis Outo hesch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli.

Dini Amy



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch